



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一九六

鴻梅堂詩文集六卷（詩集五卷附梅花四體詩 文鈔一卷附

信天翁家訓）附錄一卷 胡方撰

一

葆璞堂文集四卷葆璞堂詩集四卷 胡煦撰

一三七

魏昭士文集十卷 魏世倣撰

二七一

恕堂詩七卷 官鴻曆撰

四三九

海康陳清端公詩集十卷附年譜二卷 陳瑣撰

四九一

陳清端公文集十卷 陳瑣撰

六三一

同治甲子重鐫

鴻楠堂詩文集

李瓘輝敬題



胡金竹先生象

盧子樞敬摹



勸學齋
藏書版
之二

粵之先儒自白沙先生後越百餘年而有金竹先生粵人皆以金竹比白沙然白沙之名顯於世者名晦何也白沙當明之中葉道學風氣方盛其學又自立宗旨一新天下之耳目金竹則處道學風氣之末堅確自守惠半農學士雖嘗言之於朝迄今又百餘年天下知金竹先生者寡矣顯與晦不足為輕重然傳先儒之書使流布於世則後學之責也陳習之學博金竹先生鄉人也以先生鴻梅堂集編校未善又其板已失將集同人重刻之

鴻梅堂集

序

一

請林月亭先生刪訂而為之序月亭先生刪訂甫畢而歿乃請楊黼香編修序之會黼香入都復以序屬澧又以金竹家訓屬澧編入集後澧受而讀之其詩清削樸奧如見其為人其謁白沙祠諸詩及白沙子論見其淵源所自出其家訓初學先讀儀禮謂儀禮為道之跡終身不可離則與白沙之學謂禮文非所急者又不盡同也嗟乎當明之時講道學者徧天下而今不聞焉今之詩文集亦徧天下然如此集無華詞無博辯其不至湮沒者幸

也同人亟為付梓豈獨有功於先儒將使讀先生之詩文者慕先生之為人雖不必講明儒之學其於今之風氣或有裨乎月亭先生逝矣試以愚言質之黼香其亦有合也歟咸豐六年八月陳澧謹序

鴻梅堂集

序

二

金竹先生胡方傳

李文藻

胡方字大靈新會金竹岡人由番禺籍補諸生久之充歲貢閉戶讀書講求義理之學老而彌篤性耿介絕交接當時知之者甚少康熙末侍講學士元和惠公士奇視學廣東訪求實學以風多上己五年而後聞其姓名雍正初按試肇慶而先生居南海之鹽步村道所必經惠公艤舟村外遣同行吳孟且至其家求一見先生急揮手曰學政未竣不可見不可見出吳而扃其門公再使吳索

鴻梅堂集

傳

其著述吳強呼出致意先生出所作大學中庸制義二冊公受之乃解纜明日舟至三水境惠公之僕過吳舟請朝食曰秀才昨所獻何書使學士披閱竟夜未合眼公見吳則恚曰此等文而生不令我知耶及歸吳以所評點示先生乃曰是知我者盡出其制義及易解莊子註厚尺許以付吳惠公序其制義而刻之稱其文奧而顯勁而腴清而不雜所謂義理之學而不失之臭腐者也其推重如此顧先生不肯遽相見吳孟且之弟曰秋芳

夫也數爲其兄道意曰惠公試舉矣非一見無以

報公先生曰大通寺僧跡剛是吾畏友新死往哭後方可見官長一日至秋家秋婦欲出見先生曰今日齋戒謝知己非兒女來也竟不見假一冠俾秋隨行爲投刺惠公大喜命肩輿至川堂始下長揖曰方年邁無受教地不能執弟子禮數語遂起別公握其手曰縱不肯多語敢問先生鄉人誰能爲文章者先生曰並世中無人也必欲求之惟謝明季梁朝鍾耳惠公遂求謝梁之制義併刻之而

鴻梅堂集

傳

疏薦先生於朝其略曰臣承

聖訓確舉生員優行以端士習博採鄉評廣徵公論既覈其行復試其文惟求實學歲考所舉何夢瑤等二十名科考所舉羅國器等二十名已造清冊咨部抑臣更有請者臣每試一郡輒進諸生而問其鄉之人物欲得一積學力行有道而文者以爲諸生楷式獨番禺學歲貢生胡方人品端方學術醇正一介不苟五經盡通黃童白叟聞其名者無不知爲端人正士能書工詩註易及四子書多所發

明尤精舉子業不特南粵人才莫出其右即江左
文人不能及也臣已錄其文梓以訓士惜其年暮
老膂力既愆雖不能効奔走之勞尚足備羽儀之
用伏乞

皇上

天恩錫之命服併依古養老之禮命有司月致羊
酒以寵異之俾通省士子咸知讀書立品者後必
獲報人人踴躍奮興則士習端而人才益盛矣所
有事略及各著述篇名另造冊咨部外謹據實陳
請伏乞

鴻梅堂集

傳

三

皇上

勅部議覆施行實雍正四年事也惠公去時先生
出村外獻一絕句送行公去二年而先生卒年七
十四歲學者稱金竹先生所刻詩古文集予早購
得之後又讀其制義在他諸作之右莊子註在新
會合周君所見惠公事則乙未歲聞之吳君吳
字旭亭南海人公所拔取曾為仁化教諭年八十
矣尚授徒吳又云先生之子中一沒今其孫監生
祖詹善醫仍居新會李文藻曰予在京師日聞粵
之何羅蘇胡為惠門四子謂何夢瑤羅天尺蘇珥

及先生也如吳教諭言則先生長于惠公十餘歲
求一見而不可得未嘗遊其門也惠公見先生之
明日語吳曰胡生貌似顧甯人豐偉端厚皆富貴
福澤之象不驗于其生必享大名于身後也然非
惠公世豈有知胡大靈哉

鴻梅堂集

傳

四

羊城西湖街效
文堂承刻印刷

鴻梅堂集總目

詩集卷一

擬古樂府歌謠

四言古詩

五言古詩

詩集卷二

七言古詩

詩集卷三

五言律詩

鴻梅堂集

總目

詩集卷四

七言律詩

詩集卷五

五言排律

七言排律

五言絕句

七言絕句

附梅花四體詩

文鈔



附信天翁家訓

惠學使題本告示

崇祀鄉賢錄

鴻梅堂集

總目

二

鴻梅堂詩集卷一

擬古樂府歌謠

金竹胡方大



晉杯槃舞歌

天下平人安甯四時六氣皆調停無憂患但樂歡
 華堂綺席舞杯槃舞杯槃何纏懸座中賓主相留
 連月與日行有秩西方下入東方出簫管遲手垂
 垂窮工極巧作歌危簫管清節鼓驚急翻迅轉發
 聰明發聰明坐從容朝暎著面顏瞳矐延歌音愴
 餘情此槃反覆逝不傾銀鐙張共願悠悠夜漏長

鴻梅堂詩集 卷一 擬古樂府歌謠

夜漏長亦何有祝君千秋萬歲壽

白鳩篇

拂舞赴節吳歆會鼓振振玉衣迴翔容與白鳩雖
 鳩形非是五鳩生乃是伊耆杖變化而飛鳴誤落
 南方傷火執遺之好音集金庭金庭颯颯秋氣清
 刷除焦羽鮮霜翎人不窺巢穀卵甯含哺七子瑞
 昇平獸避猛虎鳥避蒼鷹鳥盡鷹亦饑天道豈查
 冥鳳凰高處百鳥臣神化無言唯德馨

門有車馬客行

門有車馬客顏色摧風塵延坐相問訊來自故鄉
 隣故鄉近何如唯見荆與榛昔者去鄉初妻子隨
 崩奔妻死子求食獨居常一身傾心事交結亦復
 誰為親時時念宗黨寄書訴苦辛聞君道消息此
 情當不伸萬事俱已矣北山多荒墳

孤兒行

孤兒苦孤兒苦孤兒孤時已娶婦孤兒孤何苦孤
 兒父母太好不知孤兒長大摩孤兒首叶衣食孤
 兒不使孤兒耕田商賈似穀出卵螻螻巢中父母

鴻梅堂詩集 卷一 擬古樂府歌謠

二

銜虫來歸張口受吞咀苦中道遭惡風雨先奪我
 父後奪我母穀欲飛無羽巢漏不能補螻蟻聞腥
 上樹入巢噉穀穀拍出巢墮泥土孤兒苦孤兒不
 死自衣自食方知父母父母孤兒兒心日日兒啼
 索父母不得得病痛楚轉呼父母憐撫父母不應
 淚乾目瞽孤兒苦孤兒不死孤兒生無生人意緒

前有一尊酒行

前有一尊酒無客自斟酌狂歌自送酬歌罷還自
 醉少壯不力今已老萬事欲為終草草但覺胃懷

方寸間一回醉去一回好腐腸爛胃亦則那無用
之年何必多

樹中草

本是地中草結根枯樹中生氣不相借寄託徒相
容枝葉少華滋早晚愁秋風客子雖有居衣食計
乃窮却憶故鄉好石田猶可農

君馬黃

君馬黃臣馬元共絡金籠頭共著錦連錢共鞚青
絲轡共策珊瑚鞭共發扶桑下共蹋崑崙巔共秣
鴻梅堂詩集 卷一 擬古樂府歌謠 三

玉山禾共飲瑤池泉從來歧路多中道楚與燕安
得同心人結伴終始全爲君生感激途長不道難

野田黃雀行

欲爲鳳凰待清河欲爲大鵬須風多嘶嘶蓬蒿下
聊安藪澤家肉小不足雞鶩烹無文不人翡翠羅
四時啄草粒秋啄田中禾田禾草粒皆已空天寒
腹饑命奈何

長歌行

物生形不齊大小與短長胡爲壽命間堅脆怪彭

殤昨日鏡中髮今朝忽以霜風昔抱志願千百未
一償白日麗天行遲促自有常匿景非后羿淹留
非魯陽藥石可延年此語殊荒唐汲汲亦何成戚
戚徒損傷良謀事杯竿勿棄桑榆光

隴上歌

隴上陳安良可憐善撫士卒同險難守城鑄鐵作
心肝敗走陝中餘騎單平先兵來如雲屯右手七
尺霜刀寒左手丈八矛蛇盤決圍直出如飛翰且
馳且射雕弓彎時不利兮失我矛騾悲鳴前路
鴻梅堂詩集 卷一 擬古樂府歌謠 四

道脫身下馬凌巖幽無降將軍有斷頭曲澗之水
血濺波英雄力盡奈天何

歎聲短

歌聲長歎聲短人生百年容易滿百里之行九十
半頭上青絲白雪換酌君西涼葡萄之美酒對君
猩唇駝峯之食案停杯復廢箸哽咽不能勸金鐵
可斷愁難斷歌聲長歎聲短

幽澗泉

素琴張兮靜夜分坐高館兮如空山遠隔千重之

峯外下沈萬丈之巖間石罅岌岌今積上潺微吟細
咽纔可聞乃知余心千秋萬歲之悲思忘之未盡
潛留根我欲罷此曲泉氣正生時我欲竟此曲泉
寒結不漸世人無復鍾期耳幽澗泉徒爾爲

上留田

大樹離披小樹曲山頭背走石岳岳古往今來千
萬年風土依然惡人目豺有五子鬼一車烏鼠之
棲猶共窠四海皆兄弟友死恤其家上留田水不
可飲上留田粟不可食好將上留田窪爲淵百尺
鴻梅堂詩集 卷一 擬古樂府歌謠 五
陰陽搏合成地輪乃爲此地生不仁

飛龍引

黃帝得仙道本是長生不死人輕棄萬乘如埃塵
暫留但爲天下勤瑣細醫經及兵法百千制作何
紛紛鼎成功就凌紫氛凌紫氛入天門金宮玉殿
了不顧臣民呼號了不聞鄙哉世上小丈夫眷戀
繁華嫌返真牛山之泣常沾巾

公莫舞

古曲詞沒於聲不可
讀今去聲而爲之詞

公莫舞聽我辭逐君起並君嬉雙龍婉轉兩鳳擺

襪共事王兄弟隨爲君戮力首路先馳信君作情
好諒君無嶮巖讒夫之言不可聽仁義當持暴秦
滅仁義昨日已 天之所惡慎勿爲昔德者不
祥忌功者眾離君劍雄我劍雌屈伸進退各有宜
軍中之樂儒雅安施趨捷者吉猶豫者危虞人張
羅鴻鵠高飛庸夫守一聖人知時時乎時乎日西
迫君徘徊兮我將疲

沐浴子

許由洗其耳巢父惜牛齒避世如避仇士有不得
鴻梅堂詩集 卷一 擬古樂府歌謠 六
已芳穢何勞定鮑蘭素心之外皆塵滓塵滓由來
善著人勸君珍重千金體一日再三歌言歌沐浴
子

四言古詩

定居

唯此江村延岡浮峙宛彼龍蟠抱屋其址面帶長
洲以表以裏耕則有田釣則有水我昔流離倉卒
爰止其風孔濱庶幾仁里哀我孤羈爲我綱紀去
之悠悠夢寐則邇嗟我曷歸故鄉荆杞眷眷斯土

復來相視父老逢迎載忻載喜假我堂基刈荒夷
境植栽于茅衡宇落只衆咏公劉嘉賦伊始陳我
木主再拜再啟樂爾新造庇爾孫子

天道

天道宵冥孰則知之常與善人或信或疑我祖我
父曷云其哀淒淒霜雪凋此身枝豈無主器瑣尾
流離宗祏塵封春秋餒而亦有丁男家室頗時孕
育邈然歲月載馳遺經在笥顧瞻孔悲弗勗小子
澤斬於斯

鴻梅堂詩集

卷一 四言古詩

七

誠子

人急居食汝民之窮我無田廬餬口飄蓬東方訓
子以仕爲農我則安能翰墨是備勤則不匱匱乃
蒼穹介介怨尤喪道傷冲泌水有詩尚挹其風
厲人生子恐其似己實猶一身屬毛離裏幹盡用
譽改過同美胡爲泄泄日月逝止峨峨壯歲幼志
靡徙車在馬前唯駒所視靜言思之孰貽斯疾

貽謝靈湫

漠彼浮雲挂於喬松喬松兀只浮雲隨風

先與謝同里今

徒鄉落曖曖其室瀾瀾其江矯首悵而有懷莫從
汎汎中河織彼行舟病如徽纆以我拘囚子來孔
艱日短道脩室無空虛徒御安留

人暢其心實唯晤言嗟我斯處巷無居人豈無居
人農圃爲隣卽之見麾四體不勤
亦有儒衣誦詩讀書薄言卽我一再寢疎獨絃哀
響好音弗娛終掩柴門寂寂吾廬
吾廬寂寂秋風載來冉冉薄暮爰集子懷有酒無
儔不能舉杯憂故傷人矧乃年頽

鴻梅堂詩集

卷一 四言古詩

八

五言古詩

咏懷

天路無階梯登降非步武矯首望青冥抗意倏興
舉形骸一以輕翛然卽飛羽遨遊溟滓中雲車駕
風馬叶圓規轉不窮汗漫期何所踐踏苦空虛蹉
跌生容與隕落九霄間斷絕如零雨回顧增悲傷
身仍在塵土

今歲計來歲屈指日無貲少壯憶衰老茫茫若天
涯天涯一飛鳥明滅望中疑迎之不覺駛至前知

匪遲遲駛何較量所恨先我欺悠悠復悠悠萬事
言有時

鶴鷺生江海毛羽白於雪風吹落黃河河流泥濘
冽載浮復載沈寢久喪其潔亦未黑如烏菸邑光
輝歇宛頸顧徬徨啣舐自梳刷漸染卽性成無殊
素絲涅還念浴清波故鄉千里別翼短飛不高長
鳴哀欲絕

西北有佳人婀娜曳華裾一笑將千媚一顧送萬
娛衣香必遠揚終朝調粉朱雖非邯鄲倡婦德亦

鴻梅堂詩集

卷一

五言古詩

九

頗渝貞女無治容買好同薦軀

衆人愛其身奉養非一方疾病購參苓安平用膏
梁血肉取充滿皮革生輝光作計誰無勤螻蟻貯
饑糧陶潛任饑羸患疝藥不嘗此士頗達識真偽
固所詳

物唯適事貴過此不須多耐遊井已足鼠飲焉用
河百卉爭歲時俟之實與華朝菌暮定形千日亦
如何寄語牛山泣自我貽傷嗟殤子無志願瞋逝
餘天和精衛填滄海化化終有涯

失馬不折足無歧不亡羊人事千萬端心智浩茫
茫車騎會交衢豈得久同方班尹朝讌言華管暮
分張俯仰今古中此態殊恆常哲士請息交唯嫌
離別傷

繁星衆麗天五緯在其間萬芒紛矇目孤光辨獨
難孔孟有著作百家亦競言紫色可奪朱詹詹勝
閑閑胡爲鄭康成日暮持柔翰不知竟何補區區
此殷勤

有終因有始萬物理皆然史書極緬邈鴻濛爲造

鴻梅堂詩集

卷一

五言古詩

十

端宇宙儻常故何不紀其前我聞巧歷算堯舜日
中天斯時靡鳥次轉欲迫虞淵大厦旣已焚燕雀
焉得存一姓傳萬世悠悠亦暫延

襍詩

我昔強飲酒祇以取安眠誰言更日月因之鋼習
纏朝歌誓不入遠害事當然幸從疾病來醪醴味
非前寄聲謝良朋杯斝今已捐

鄉縣本巖邑復爾頻亂離舉家無懼患三世及今
茲此福豈尋常匪天安可期天心已云厚怏怏更

何爲願欲苟奢廣誰能實漏卮

達生昔自許疾病乃憐身從來著述言有時頗未
真知過不及改將以惑後人孔聖思假年鄭公悲
日淪係吝且勿唾願請念先民

自古多志士割置能捐生茲事頗復易難者乃其
輕昌歎飲食微大聖有餘情富貴如浮雲無言慮
已清隱几若槁木鑑止翳斯呈

開歲邨落遊分明投石戲翻身矜巧中跳躍誇迴
避矚矚約不抵破傷豈所計我欲笑彼愚顧已忽

鴻梅堂詩集

卷一 五言古詩

十一

生媿萬物攻取間情慮胡能異

樊遲學農圃夫子謂細氓農圃雖已細猶云關死
生不知詞賦業於人何重輕纂組若兒女毀譽問
時名于將以苴履惜此方寸靈

洪鈞造萬物各有資身能毛羽高飛翔鱗鬣泳清
泠用之稱所長豈不完其生嗟哉貧困士戚戚怨
蒼冥胡爲役智慮希以代躬耕

惠遠在東林開社召淵明亦復許飲酒掉頭不肯
承此翁只任真都無好道情元言恐莫酬豈敢涸

羣英時時或往來愛靜乃生平

感懷

衆人皆大感貴智而賤愚愚者見近喜智者知遠
虞遠虞千載後兼至在斯須斯須計千載爲心豈
不劬心劬止自苦損益竟何如羊舌終滅族延年
終伏誅二母故先覺無能脫禍樞

卜商疑仲尼喪明由罪辜造物忌榮名何況貪有
餘我昔不知耻過情處虛譽冥報果莫逃坎壈纏
其軀譴責尚未已生兒乃下愚胫篋竊他貲因失

鴻梅堂詩集

卷一 五言古詩

十一

故所居誰爲宋向氏申戒致區區

文丞相二女祠

人性隱胸臆禮義故森然禦侮豈介冑直比金城
堅宋室力不競神州淪深淵獨有丞相家擇地託
身完從來憂亂心偏因閨閣前流離成鄙賤戮辱
貽清門孰知孔融卵弱小無柔辱掌珠委道塗日
月懸高天勗哉鞠子慈鴟鴞何足患崇爾千仞岡
松柏干青雲

人心有濁源愛生爲涓涓衣食揚其波萬惡成洪

川君子知治本丸泥塞沸湍仲尼貴殺身孟氏稱
喪元四大等鴻毛凡聖爭此關過此可登天隔此
可墜淵賢宰創清祠礪俗意拳拳誰則戴鬚眉翻
宵媿嬋娟舍魚取熊掌庶保胸懷間

五君咏

鄭東侯

鄭子少割股友于聲藉藉世人矜奇行我更欽純
皜表裏皆仁良梳櫛無纖惡遇孔顏與儔遭孟樂
堪輿惜哉去聖遠亦不入於室叶淪亡已十年予

鴻梅堂詩集

卷一 五言古詩

十三

懷耿如昨音容宛清和躁戾猶能釋叶

李祈年

小李美丰姿衣服麗且都請謁通王侯善奕天下
無強年乍易操結交求腐儒講論心性真吟哦孔
孟書精思發元扃達識破拘墟晚歲轉更靜文藻
盡刊除預知遷化期靈府良湛如

朱幼文

朱質抱夙慧多藝自成童篆刻繼先人丹青學化
工文賦新且敏輒以大篇雄抗志慕沮溺執技代

耕農萬事苗秀間忽爾萎秋風譬彼扶桑日曉色
方瞳瞳想像及中天光景安有窮

子卓余族子

基郎少跌踢龍性無銜羈攀巢騎犢走角抵逐羣
兒十五若周處改服被儒衣半歲工翰墨六經意
頗窺形神清且閑爲我洗塵網嗚呼霜雪愆摧折
三春枝玉樹埋黃泉寒宗頽光輝

盧眉長

盧生本儒生乃借沈命身周氏輕三族劇孟不解
鴻梅堂詩集

卷一 五言古詩

十四

親太公或據俎杯羹強請分往往賴天幸釜魚仍
縱鱗買劍徐夫人乞士滄海君滅裂毀邊幅倒行
心苦辛終言逐田橫馬革葬水濱

襍詩

眾鳥子母親唯於穀穀時毛羽既已長南北各分
飛子見母不識母見子不知雖不答劬苦亦可釋
勤斯啞啞白頭鳥生子性偏慈反哺恩幾許係累
乃無嘗爲之營室巢爲之愁寒饑處處多鷹鷂出
則盼之歸持此比眾鳥所勝百勞稀

一雨間巷權田苗正待濡我獨苦盼晴仰天發長
吁做屋紛破穿地無乾土餘暮炊昏未舉竈灰成
泥塗小兒索寢啼衽席不能舒亦知逢歲早貧家
最切庸人情急目前因之遠慮疎

感事

孔聖忽長歎欲乘浮海桴昔栖栖意胡爲易半
途手無綆與縻忍聽井中呼止殺諒不能君子遠
庖厨緊予貧賤人日復迫西隅舉世絕我緣親戚
獨未疎惻惻方寸間往往爲憂虞憂虞可奈何立

鴻梅堂詩集

卷一 五言古詩

十五

視增漣如安得生羽翰奮起凌空虛

言懷

人心愛金玉銖黍或不爭今我安夕死非關賢達
情七十罕可期我數已瀕盈齒牙落盡空短髮三
兩莖前路跬步促燦若著龜明古聖惜寸陰有用
物無輕而我徒尸居得日總虛承譬彼用者履闕
之筭與羸雞助持棄捐豈敢詡櫻甯

贈陸迪聰

樹底開柴門門前綠疇廣江水雖頗遙清光亦滉

漾北閣却面遠微峯匝莽蒼高人古核輿陸通幽也
棲樞真賞階庭蘭菊芳屋畔桑麻長琴書薄寓情
治生非軼掌本抗物外踪而無肥遯獎嗟予失故山
沉梗淹塵坱比來村落居泳淵魚脫網所恨乃浮
民飄搖憂個儻荷篠憐仲由要留雞黍餉眷眷長
林枝欲作鷓鴣想

寄別吳南塘

夙好肇童冠晚愛成婚姻邇歲共城居綢繆盡殷
勤貧來賣宅去未遠隔江村雖無朝夕權音問常

鴻梅堂詩集

卷一 五言古詩

十六

相聞時或理舟楫蓬華枉過存誰云齒已邁彌年
嬰疾頻三世葬成周古道有宜遵眷言返故山冥
冥人海雲風波阻追尋曲折艱羽鱗與君尚疇昔
稍塞平生恩佳婿衛玠儔樂令媿形神少小抱驕
羞却走婦翁親今茲諒發蒙情思解依人回首安
可任訣別在斯晨

何野望城南別墅作

嶺海本巖疆世故餘亂氛名山皆盜藪邨落無安
人鬱鬱居城市悠悠四十春來日知幾何恐爾終

其身不得大快佳小小營所忻傾產買方塘有地
如舌唇屋基三築屋在中坻檐雷俯漣淪魚鳥亦
已夥花木亦已繁烟火數農家此外接林園高譙
借守望又復隍池分危橋及仄徑可以回蹄輪昔
賢貴止足固求非禮閑三復泌水詩獨寐聊自敦
晒彼劉子驥區區等桃源

贈喬郎何野望子

自余於阿父摩撫從嬰兒都忘子壯翁常懷幼畜
慈矧爾在襁褓去茲能幾時憶置我膝中笑躍與
鴻梅堂詩集 卷一 五言古詩 七

我嬉此態仍眼前可憐心豈移見之欲諧調循首
承其頤頤然偉丈夫侮慢不敢施或聞趨庭訓督
責頗嚴威怵惕為辛酸天棘衝風吹嗟予就枯朽
交遊多棄遺試以問郎君夙眷今是非人生孩提
性長大會應衰莫惜數相存庶以釋憂疑

贈友子何榜新昏

草木忻羣植禽鳥悅同鳴昔賢當避世誰與悲沾
纓許由侶巢父夷虞挾弟兄乃及梁伯鸞待娶入
霸陵山林嘯猿狖空谷無人聲煢煢不可處招招

寡友生唯言雌伏性逝肯隨巖耕于田有饑餉返
室有逢迎暇日肆酬對左右兼孩嬰紡績傍詩書
笑語閒復興離倫雖已遠索寞意全冥

贈妹婿周全先

小妹淑且秀先子故鍾愛徘徊為相攸偃蹇百十
輩獨謂君足依非才唯德器是時君方幼端拱羣
兒隊不作率爾人物色經再四余性稟佻浮屢屢
趨庭誨曰彼周氏子汝病三年艾未俗競門楣所
希富與貴而乃孟家翁偏忻高隱配日月如流波
鴻梅堂詩集 卷一 五言古詩 六

斯須忽以邁爾我兩青春白髮今相對頗喜行遺
體有若涉川濟回首邈公言事事皆著蔡亦感嘉
樹封持為在天慰

贈別婿麥在田

人情愛骨肉婚姻求密邇而我遠相攸異縣百餘
里弱息阻歸甯衛女悲淇水家室值飄搖偶依隣
壤徙省邏雖亦疎頗頗敦恩紀老病切首邱艱難
返桑梓契濶動四載日西迫蒙泥語語作長訣短
札三兩紙郎君事舌耕農隙乘暮止扁舟冒風雪